

البحار ليته

[درة جمال]



جميع الحقوق محفوظة © دار البوكر للنشر الإلكتروني

www.elbookar.com

جميع الحقوق محفوظة للمؤلف

اسم الكتاب: ليه الحجاب؟

اسم المؤلف: دره جمال

مصمم الغلاف: حنان محمود

مراجعته: مريم ابو صالح

تنسيق ومراجعته لغويته: اسماء جاد

لا يجوز اقتصاص أي جزء من هذا الكتاب بهدف إهدار حقوق

الملكية الفكرية أو إعادة إنتاجه بشكل مادي أو معنوي وإلا

دار البوكر

تقدم

ليه الحجاب؟.

دره جمال

تنويه

جميع الآراء الواردة في الكتاب هي لشخصيات حقيقيه وليست
من وحي خيال الكاتبه
نتيجته لاستطلاع حقيقي تم عمله من قبل الكاتبه

في البداية أحب أوضح
كل بنت ليها سر
والتزامها بحجابها
عمره ما يقلل جمالها
ولا هيحدد مجالها
الحجاب ما كان
ليكي أبدًا اي حكر ...

حينمًا بدأ القمرُ بالاختفاء .. وبدورها بدأت الشمسُ تنسجُ خيوطَ فجرٍ جديدٍ ،
كانت " نُهي " تَختَمُ صلاةَ الفجرِ ، وتستعدُّ للذهابِ إلى الجامعةِ ..

وبعدَ ما يقربُ من سَاعَة أوْشكت نُهي على الانتهاء

بنطالٍ ضيقٍ .. قميصٍ حتى الركبةِ .. تبقى " لَقَّةُ الحجابِ " ، أسوأ ما تكرههُ
في الذهابِ إلى الجامعةِ كل يوم هو ارتداء الحجاب ، يرهقها دائماً تفكيرها
بأي طَلَّةٍ ستظهر اليوم ..

- احط البندانة ولا ألبس الطرحة القطن كدة علي طول !!
- لا لا .. دي عملتها امبارح ..
- بس ... لقيتها ... هلفها تركي مروحتش بيها من أول السنة غير مرّة .

بينما كانت نُهي منهمكة في ارتداء الحجاب ، مرّ بخاطرها سؤال ! .. نادرٌ
جدًا أن يمرّ على خواطر فتياتِ الجيلِ

- اووف الطرحة الستان دي انا لازم ارميها .. مش عارفة البنات
بيضطوها ازاي ..
- غريبة هو أنا أصلاً بلبس الحجاب ليه ؟

وقفت لبرهةٍ أمام المرأة تحاول مسايرة عقلها الذي فاجأها بهذا السؤال ..
مرّت خمسة اعوامٍ على نهى وهي مرتدية الحجاب .. ومع طول تلك
المدّة إلا أنّ هذا السؤال لم يتسلل لخاطرِها يوماً .
سُرعان ما قاطع تفكيرها جرسُ هاتفها المحمول ..

- ألو..

= إيه يا هانم كل ده مستنيينك عَ المحطّة من ربع ساعة

- الطرحة الستان يا سلوى .. الطرحة الستان

= ماشي يا باشمهندسة لما المعيد ميرضاش يدخلنا السيكشن متنسيش
تقوليله سوري الطرحة الستان أخرتني

- مش هنبطل تربيئة بقي ؟

= ده سؤال برده يا نهى ، أكيد لا طبعًا

ضحكت نهى قائلة :

- خمسة وهكون عندك

.....

سلوى : عارفة لو مكناش لحقنا السيكشن ده كنت هعمل فيكي إيه

نُهى :

سلوى : نُهى .. إنتِ واخدة بالك إني بكلمك يا نُهى

نُهى : إيه ، نَعَمْ ..

سلوى : سرحانة في إيه ، أكيد بتفكري فيّا طبعًا

نُهى : وماله .. ده اللي ناقص

ضربت سلوى نُهى على كتفها بمزاحٍ وأتبعته قائلة ..

أَمَل بتفكري في إيه يا هانم .. اشجيني

نُهى : سلوى احنا ليه بنلبس الحجاب ؟

سلوى : يا دي النور .. إيه الأفكار دي ع الصبح أنا قولت الطرحة الستان دي مش هتجيبها معاكي لبر

نهي : أنا مش بهزر دلوقتي ... هو الحجاب مفروض ليه أساساً ؟

سلوى : مبحبش أفكر في الحاجات دي هما بيقولوا فرض نلبسه وخلاص

نهي : بس أنا أعتقد إننا مش مفروض ناخذ كل حاجة كدة .. مش يمكن لو عرفنا السبب نستفيد أكثر .. أو ع الأقل نلبسه صح !

ردت نهي بسخرية :

هو إيه اللي نلبسه صح .. لا يا ماما أنا مسمحكيش تقولي على حجابنا إنه غلط .. قال صح قال ..

يلا يا نهي بطلي هبل وأفكار مالهاش لازمة اتاخرنا ع البيت

نهي : إنت كل حاجة عندك اتاخرنا كدة

سلوى : جعانة يا نهي .. وإنت عارفة كله إلا الأكل

نهي : إنت هتقوليلي ، وإنا كمان بصراحة ، يلا نروح

من جديد طارت الفكرة من خاطر نهي لكن هذه المرة ليس إلا وقت طويل ، ما إن ودعت سلوى في منتصف الطريق حتى طرق السؤال أبواب ذهنها ثانية ..

لماذا الحجاب ؟ لماذا فرض ياتري ؟ أيعقل أن يكون فيه ظلم لنا ؟ ما الفائدة من وضع قطعة قماش لا تضر ولا تنفع على شعري !؟

- إيه اللي إنا بفكر فيه ده ، ظلم إيه وضرر إيه ، أستغفر الله ، ده أكيد وسواس عشان أخلع الطرحة ..
- بس هو لو فعلاً مفيد فائدة م الحجاب .. إيه المشكلة يعني لو خلعتة ؟
- لا لا .. أنا لازم أطرد الأفكار دي من دماغى ، هفتح الفيس أحسن ...

مش قادرة أفهم إيه وجهة نظر فاطمة إنها كل ما تتصور تعمل تاج للجامعة
كلها .. !!!!

- ظلت نُهي تتسلى بقراءة منشورات الفيس تسخر من واحدٍ ، وتضحك على
آخر ، حتى لفت نظرها أحد المنشورات عند فتاة يبدو أنّ لها الكثير من
المتابعين ..

- الحجاب ده أصلاً مش من الدين في حاجة ده مجرد رجعية وتخلّف ،
في محجبات كثير جداً ومع ذلك لا بيصلّوا ولا بيتقوا الله في الناس ..
الإيمان عمره ما كان بالشكل .. الإيمان محله القلب دائماً

#اقلعي_الحجاب

- إيه اللي هي كاتباه ده !!
- بس بصراحة عندها حق أنا سمعت مشايخ كثير جداً بيقولوا إن الإيمان
محله القلب ، وبعدين ما أنا م الصبح بحاول أدور علي سبب واحد
يقنعني باللي حطاه علي شعبي...

- نُهي ... ؟

نُهي : حنانايه الصُدفة الحلوة دي .. !

قَاطَعَت تَلَك الصُدفة نُهي عن محاولة ترتيب أفكارها ، وإدراك حقيقة هذا
المنشور ، الذي وللأسفِ بدا أنّه أقنعها كثيرًا

وفي المساء :

نُهي : ماما ، أنا هدخل أنام .. بكرة في محاضرة وسيكشن ومش هينفع
أتأخر

ماشبي يا نُهي .. بس ما ادخلش ألاقكي ماسكة الموبايل ها !!
نُهي : الموبايل ده تاعبك في حياتك يا ماما ، حاضر متقلقيش ..

ظَلَّت نُهي تتقلَّبُ يمينًا ويسارًا ، تحاول استدعاء النَّوم هربًا من أفكارها ،
إلا أنه أباي ذلك

- يووه .. البوست ده مش راضي يروح من دماغي ، كلامها منطقي أوي
.. يعني هو الحجاب اللي هيدخلني الجنة ولا هيوديني النار !! وبعدين
الحياة من غير حجاب هتبقى حريّة أوي ، وأخيرًا بقى هورّي الناس ،
إني فعلاً جميلة .. بس الطرحة اللي كانت مداريّة !

همّت نهي بفتح هاتفها من جديد إلا أنها سمعت صوت أمّها من بعيد ، فأغلقت
الهاتف سريعًا ، وتسلّل النوم إلى عينيها بعد تفكيرٍ مُرهق ...

- نُهي اصحي .. اصحي يلا

نُهي : في إيه يا وليد .. خمسة كمان !

وليد : الفجر هيضع يا نُهي ..

نُهي : خمسة بس

فأتبع بصوته الطفولي الذي لا تستطيع رفض طلب إمامه ..

وليد : بس يا نُهي أنا مستنيكي من بدري عشان أصلي معاكي .

نُهي : حاضر يا وليد قُمت أهو

نهضت نُهي من فراشها بتكاسل ، تتنأبُ في محاولة لإجبار عينيها على
الاستيقاظ توضأت ثم صلّت وجانبها وليد ، وكما هو الروتينُ اليوميّ
ذهبت لتستعدّ إلى الجامعة
وفي الجامعة :

نُهي : بنات ، صحيح كنت عايزة اسألکم سؤال !

سلوى : بدأنا أهو - -

نُهي : احنا لابسين الحجاب ليه ؟

أو هو اللي لابسينه ده أصلاً حجاب !

ريم : مفكرتش في الموضوع ده قبل كدة صراحة ، ماما جابتلي طرحة
يوم ميلادي الستاشر ، عجبنتي لبستها واتحجبت
نُهي : وإنتِ يا أمل ؟

أمل : بصي لو عندك علبتين حلوة واحدة متغطية وواحدة لا وعايزة
تشتري واحد ..

نُهي : الكلام ده يا أمل نقوله لبنات ابتدائي عشان نحبيهم في الحجاب ،
مش تقنعي بيه واحدة قربت تتخرج
تنهّدت نُهي قائلة بسخرية :

ففلتوني بجد

أنا هروح أصلي الظهر

وفي مسجد الجامعة بعد أن أنهت نُهي صلاة الظهر .. لفت نظرها فتاة
تجلس في أحد أركان المسجد وحدها تمامًا لا شئ معها سوى مصحفٍ في
يديها ..

نُهي : السّلام عليكم

- و عليكم السلام

نُهي : آسفة عَ الازعاج .. بس ممكن سؤال

- أكيد ، اتفضّلي

نُهي : هو إنتِ تعرفي إنتِ لابسة الحجاب ليه ! .. أو هو ربنا فرضه علينا ليه ، مش يمكن ده فيه ظلم لنا ؟

- الحجاب عمره ما كان ظلم لنا ، وأقدار الله تعالى يستحيل يكون فيها ظلم ، في آية في القرآن في سورة الكَهِف بتقول :

" وَلَا يَظْلِمُ رَبُّكَ أَحَدًا "

لكن بصراحة مقدرش أفتيكي في سؤالك ، عمر السؤال ده ما خطر في بالي ، بس أقدر أدلك علي حد يساعذك ، شايفة مجموعة البنات اللي هناك دول ، هيساعدوكي جدّا

نُهي : المجموعة اللي في نص المسجد !

- اه..

نُهي : بس هو يعني صراحة ، بيقولوا إنهم أسلوبهم جاف وصعب وواخدين الدنيا بتشدد أوي !

- صدقيني ، ده كله كلام ، الناس لما بتشوف حد بيخالف أو بيعارض رأيهم ، يحاول يعرفهم الصح م الغلط ، بيكتفوا بأنهم يطلعوا عليه صفات مش فيه وينفروا الناس منه .

نُهي : طيب تمام شكرًا

- العفو

ترددت نُهي كثيرًا في سؤال تلك الفتيات ، فكلام تلك الفتاة لم يستطع محو كل ما سمعته عنهم طوال السنوات الماضية .

- أنا خلاص زهقت ، من كتر التّفكير ، والبوست اللي كانت كاتباه البنّت ده أقنعني أكثر من أيّ إجابة

سكت عقلها لبرهةٍ ثمّ أمسكت بهاتفها ، فتحت موقع التواصل وكتبت :

#اقلعي_الحجاب

وما إن فعلت حتى أغلقته سريعًا تحاشيًا لكم التعليقات والرسائل الكثيرة التي ستستقبله إثر هذا المنشور

- مش عارفة أرد عليهم دلوقتي ، بكرة هرتب أفكارى وأرد عليهم .

وفي صباح اليوم التّالي :

- بس ، كِدة تمام أوي .. ياه ، أخيرًا مش هفضل ألف نص ساعة في الطرحة

نُهى : ألو

سلوى : إيه يا نُهى

نُهى : أنا جهزت خلاص ونازلة

سلوى : نعم !!! جهزتي بالسرعة دي ، إيه المعجزة

نُهى : شُفتي بقى يلا انجزي ومنتأخريش

سلوى : حاضر ..

ألقت نهى نظرة أخيرة على المرآى ، كم بدت جميلة في نظر نفسها .. لا سيما أنّها ارتدت بنطالًا ضيقًا أكثر من ذي قبل ، وأما عن القميص فقد تحوّل من قميص للركبة ، إلي قميصٍ لخصرها ، أتبعّت نظرات إعجابها

بنفسها قليلٌ من الخوف ، كان الضمير يحاولُ القيام بمحاولةٍ أخيرة ، ولكن هيهات ...

- إيه اللي أنا عملته ده ، معقولة هنزل بشعري وبهدوم ضيقة أوي ، أيوه .. أنا خدت القرار وهفضل قدّه طول ما أنا مش لاقية إجابة لسوالي هفضل بشعري .. وعشان أكون صادقة مع نفسي هفضل أدور ع الإجابة حتي لو قلعت الطرحة ...

نُهي : ماما أنا نازلة

- ماشي يا حبيب ..

إيه يا نُهي ده ! .. هندسة طيرت عقلك يا بنتي ، ارجعي ارجعي .. إنتِ نسيتي تلبسي الطرحة !

نُهي : لا أنا منستش يا ماما ، أنا قلعت الحجاب

- " قلعتِ الحجاب ؟! "

إيه يا نُهي الهبل ده ، اتفضلي علي أوضتك والبسي الحجاب ، أو بمعني أصح ع الحمام واغسلي وشك عشان تفوقي م اللي إنتِ فيه نُهي : ماما ، أعتقد إنني معدتش صغيرة ، وأقدر أخذ أبسط قراراتي بنفسي - قرارات إي ..

نُهي : لو سمحتي يا ماما أنا سألتِ نفسي كثير إيه فائدة الحجاب ملاقتش ، عشان كدة قررت أقلعه ، وهفضل أبحث وأدور علي إجابة ولو لقيت إجابة أكيد هلبسه تاني ..

- أنا مش راضية عن التصرف ده يا نُهي

نُهي : أنا آسفة يا ماما بس ده قراري ، بعد إذذك عشان هتأخر

- ماما كانت أصعب عقبة في قراري ده ، أعتقد كدى الصّعب كله عدّى

....

سلوى : مين ؟! .. نُهى !!!

نُهى : إيه يا سلوى في إيه ما إنتِ شفتيني بشعري كثير قبل كدة !!!!

سلوى : هي دي مشكلتك يا نُهى !!! إيه اللي إنتِ عامله في نفسك ده
وبعدين ، البلوزة .. !

نُهى : مالها البلوزة

سلوى : مش حاساها قصيرة أوي ولا إيه

نُهى : سلوى ، ده قراري وأنا مسؤولة عنه ، وبعدين إنتِ شايفانا كاملين
يعني ، ولا ملتزمين حتي !!

سلوى : مش شرط يا نُهى لو قعدنا نسيب الطاعات القليلة اللي بنعملها
بحجة إننا مش كاملين ، مش هنعمل حاجة !!! ..

نُهى : نقفل الموضوع يا سلوى .

ردّت سلوى بضيق شديد .

إنتِ حرّة ...

وفي الجامعة :

سلوى : مخدتيش بالك إننا من ساعة مدخلنا الجامعة ومفيش ولد شال عينه
من عليكِ .. إنتِ بجد مش مكسوفة ؟!

نُهى : هو يعني .. بصراحة .. آه

تلاقيهم بس مستغربين عشان قلعت الحجاب مش أكثر

سَلوى : على راحتك برده ..

ريم : نُهى .. إنتِ نُهى بجد !!

نُهى..: ريم ، إزيك ؟

ريم : هو إنتِ كنتِ بتسألينا عن الحجاب عشان كدة ، أنا لو كنت أعرف
ساعتها كنت تجاهلتك أصلاً !

- نظرت ريم إلى نهى باستحقار شديد ، مما أثار الحزن في قلب نُهى
وتركتها وذهبت دون أن تضيف أي كلمةٍ أخرى !

وفي أثناء إحدى المحاضرات :

رَغَد : خطوة جريئة جدًا يا نُهى ، أيوه كده ، بس ما شاء الله كنتِ مدارية
عنا الجمال ده كله ..

تَدخُل أحد زملاء رَغَد برِدٍ مفاجئٍ قائلاً :

أيوه فعلاً ، ياريت كلكم تعملو كدة .. خلونا نتفرّج ..

- نظرت له نُهى بحدّة ، فتدخلت رغد مسرعة :

إيه الهبل اللي إنتِ بتقوله ده !! هو أيه اللي عايزين نتفرج ، أنا أسفة جدًا
يا نُهى هو كان يقصد إن شكلك جميل بس .

نُهى : مفيش مشاكل ، بعد إذنكم .. ورايا معاد مُهم ..

- انسحبت نُهى متضجرة من هذا الموقف ، وها هو ضميرها يستغل
الفرصة من جديد .

نُهى : يا تزي أنا غلطت !! اتسرعت في قراري

لا لا .. مغلّطتش ، نظرة المجتمع مش مهمة أبدًا وكلام الناس ورا ضهري ،
وبعدين أصلًا ربنا أمرهم بغض البصر ، دي مش غلّطتنا ..

سلوى : نهى ، كنتِ فين بدور عليكي من بدري

نُهى : عطشت جدًّا فقولت أجيب عصير من الكافيتريا

سلوى : نهى أنا سمعت الحوار ع فكرة

نهى : حوار إيه ؟

سلوي : رغد وزميلها

نُهى : مكانش يقصد

سلوى : بصي يا نُهى ، إنت من يوم مدخلتي الجامعة دي وإنتِ في حدود
جدًّا ما بينك وما بين زمايلنا ، أول مرة حد يدخل معاكي أصلًا في حوار
كدة .

نُهى : متكبريش المواضيع ، محدش اتجرأ ولا حاجة .. وأنا زي ما أنا

سلوى : إنتِ أدري ..

نُهى : إزيك يا ماما

....

نُهى : ماما أنا بكلمك ؟

- وأنا مش عايزة أرد !

نُهى : ليه بس يا ماما ؟

- بصي يا بنتي أنا يمكن مش فقيهة في الدين ، بس بالله عليكي ايه الفرق
بينك وبين المسيحية !

نُهي : نظرتك سطحية جدًا يا ماما ، الدين عمل مش بس مظاهر ،
والإيمان دايماً في القلب .

- محدش يقدر يختلف على كلامك ده ، بس ده مش معناه يا بنتي إن
مظهرك كمسلمة مالوش لازمة ، ربنا عمره ما هيفرض حاجة هباءً ،
يارتتي كنت فاكرة الآية بتاعة الحجاب دوري عليها في سورة الأحزاب .
نُهي : الدين مش مظاهر يا ماما ، حاضر هدور عليها ..

انهمكت نُهي في دراستها لبعض الوقت حتي وصلتها رسالة من إحداهن

" إزيك يا نُهي ، أنا رغد ، أنا بعذرلك تاني ع اللي حصل النهاردة
.. والله محمد طيب جدًا وميقصدش حاجة وعمومًا ، تعالي نروح سوا
الجامعة بكرة هعزمك ع فنجان قهوة مطبوظ قبل سيكشن الرسم .. "

نُهي : هي إيه حكاية رغد دي ، دي مكانتش بتطيقني !؟

" وعليكم السلام ، حصل خير يا رغد ، بس معلش بعذر عن القهوة ،
لأنني بروح مع سلوى "

رغد : بكرة بس يا نُهي ، غستاأذنيها ، متكسفنيش بقي .

ترددت نُهي ثم كتبت لها :

" حاضر "

- ياربي ، هقول إيه لسلوى دلوقتي ..

نُهي : سلوى إزيك ؟

سلوى : كويسة يا بنتي وإنتِ ؟

نُهي : الحمد لله ..

بصي معلش بكرة مش هينفع نتقابل الصبح

سلوى : ليه ؟

نُهي : رغد كلمتني ، عايزة تروح معايا بكرة وتعزمني على قهوة كاعتذار يعني !

سلوى : رغد يا نُهي ، رغد !!!

نُهي : عادي يا سلوى ، هي عايزة تعتذر عن اللي حصل مش أكثر

سلوى : ماشي يا نُهي ، أشوفك في الجامعة

وفي صباح اليوم التالي :

نهي : عايزة حاجة يا ماما ؟

نظرت والدة نهي إليها في أسى شديد ، وامتلات عيناها بالدموع ، ثم أزاحت بصرها بعيداً

أخفضت نهي عيناها أرضاً ثم قالت في هدوء يتخلله حزن شديد :

طيب ، مع السلامة ..

رغد : عجبتك القهوة ؟

نُهي : آه جداً .. مضبوطة أوي !

رغد : إنتِ مش متخيلة أنا فرحانة قد إيه بجرأتك والخطوة دي

اوعى تخلي حد يَأْثُر على قرارك ، مش الحجاب اللي هينقص من إيمانك
أو هيزيده ، وبعدين احنا لازم يكون لينا دور فعّال في المجتمع ولا إيه
! ..

نُهي : أكيد طبعًا ، بس مش فاهمة إيه علاقة الحجاب بدورنا الفعال ، هو
هيمنعنا من ممارسة دورنا ده إزاي ؟

ارتبكت رغد قائلة : هو.. طبعًا بيمنع ، ل..

ثم نظرت في ساعتها واتبعت :

يااه اتاخرنا جدًا ع السيكشن يلا يا نُهي نكمل بعدين ..

سلوى : وياترى بقى القهوة كانت حلوة ؟

نُهي : يووه يا سلوى ، هو يوم !!

سلوى : مش مطمئة أبدًا..

نُهي : متخافيش ...

مش مآثر عليا في كل ده يا سلوي غير زعل ماما ..

سلوى : احمدي ربنا يا نُهي ، إن ردة فعلها نصح وزعل بس ، لو أم تانية
كان زمانك مكملتيش تعليم ..

نُهي : عندك حق ..

سلوى :يلا عشان اتأخرنا

نُهي : ماشي

.....

عادت نُهي : إلى المنزل استقبلتها والدتها بنفس العُبوس الذي لم يتغيّر من يوم ما اتخذت قرارها هذا ..

قالت لها في حدة واختصار :

- الأكل ع السفرّة ، أنا نازلة عند جدتك

وليد : نُهي المغرب أذن ، اصحي عشان نصلي

نُهي : يا وليد استنى شوية مش قادرة أقوم

وليد : مش هينفع يا نهى العشا علي أذان

نُهي : خلاص ، هصليهم مع بعض بالليل

وليد : إزاي يا نهى مش كنتِ بتقوليلي حرام نصلي كل الصلوات مع بعض بدون عُذر

سكنت نهى لبرهة ثم قالت :

أنا مقلتش كدة يا وليد ، الدين يسر ، وأنا مش قادرة أصحي

وليد : طيب وأنا كمان هنام ..

شيئاً فشيئاً بدأت نهى تتكاسل عن الصلوات ، هكذا هو الشيطان ، لا يجعلك تترك كل شئ مرة واحدة ، وإنما رويداً رويداً ، إن أنت اعطته الفرصة في أول مرّة ، يسرت عليه القادمة ...

استيقظت نُهي من نومها قبيل الفجر بقليل .. نظرت إلي الساعة في كسلٍ وتثاؤب ، توضأت ، وصلت المغرب والعشاء ، لكن شيئاً ما كان ينقص صلاتها علي غير العادة ، لدّة الإيمان ربّما ، مضى ما يقرب من أسبوع علي عدم ارتدائها الحجاب ، لم تكن هذه هي القضية وحدها .. ولكن حين

تجرأت علي معصية الله أول مرّة ، وبالرغم من أن جميعنا نعصى ونذنب ، إلا أن المشكلة كانت في اقتناعها أنها ليست معصية ، وأنه أمر هين ، لذلك تجرأت على ترك الطاعات طاعة تلو أخرى ، لم تكن نهى منذ البداية ملتزمة بكل الأمور والمنهيات ، إلا أنها كانت تجاهد للوصول لهذا ، ولذة المجاهدة للقرب من الله ، مهما كانت درجة إيمانك ، من أنفاس الحياة لمن اعتاده ، لذلك كانت تشعر نُهى مؤخرًا بهذا الضيق الدائم دون سبب ...

سلوى : إيه يا بنتي كل الاكتئاب والخنقة دي ، إنتِ بقالك يومين علي كدة ، ده إنتِ المفروض حتى نفذتي اللي كان نفسك فيه وعاشة حياتك يعني نُهى : مش عارفة يا سلوى ، أنا برده مستغربة
سلوى : هي شلة البنات الكتار دول من بعيد جايبين ناحيتنا ولا أنا بتهيألي؟
نُهى : باين كده ولا إيه ، شكلهم اعدادي
سلوى : اعدادي !!، هيبقي جو استفسارات يعني ، اخلع أنا بقى
نُهى : استنتي يا سد ..
ماشي يا سلوى أما أشوفك تاني

- كما توقعنا كانت مجموعة الفتيات تتجه نحوهم ، أو نحو نُهى بالتحديد التف الفتيات حولها ، ورحبوا بها بدايةً ، ظننت نُهى أنهم يريدون استشارة بشأن الدراسة لأن الاختبارات علي الأبواب ، لا سيما أن هذه أول سنة لهم في كلية الهندسة ، وخنمت نُهى ذلك من الأدوات التي يحملونها ، والتي تخص هذه المرحلة

لكن الأمر لم يكن كما ظننت

- كنا عايزين نعرف تسريحة شعرك دي عاملاها إزاي ، وبتستخدمي كريم إيه ، شعرك تحفة جدًا بجد

ابتسمت نهى لهم ثم قالت :

بالنسبة للتسريحة فهي بسيطة جدًا ..

وبدأت بشرحها لهم ..

أما الكريم فمش بستخدم حاجة معينة

- بجد شعرك كدة لوحده؟!!

نُهى : آه واللـ..

نظرت نهى لساعتها ثم قالت في عجل

استأذنكم يا بنات فاضل خمس دقائق بس علي أذان العصر ، هجري

عشان الحق الظهر

فقالت إحداهن في ذهول..

إنتِ مسلمة... !

{ - بصي يا بنتي أنا يمكن مش فقيهة في الدين ، بس بالله عليكم إيه الفرق

بينك وبين المسيحية !

نُهى : نظرتك سطحية جدًا يا ماما ، الدين عمل مش بس مظاهر ،

والإيمان دايمًا في القلب

-محدث يقدر يختلف علي كلامك ده ، بس ده مش معناه يا بنتي إن

مظهرك كمسلمة مالوش لازمة ، ربنا عمره مهيفرض حاجة هباءً ،

يارتتي كنت فاكرة الآية بتاعة الحجاب دوري عليها في سورة

{الاحزاب...}

أعاد سؤال الفتاة في سرعة حديث والدة نُهي لها..

لم تستطع السيطرة علي عيناها التي لمعت فيها الدموع ، حاولت اخفائهما
قائلة :

أيوه مسلمة والحمد لله..

- آسفة لو ضايقتك بالسؤال ، نادرًا لما بشوف مسلمات مش محجبات
نُهي : ولا يهملك ، أستاذنكم أنا..

- أيقظ هذا السؤال العابر ضمير نهى من جديد كل شئ كان هين عندها إلا
أن يشك أحدٌ في إسلامها.. أو يعجبُ منه ، شعرت بأنها فردٌ محسوب على
الإسلام فقط ، أو أن إسلامها يقتصر علي كلمة " مسلمة بجانب عنوان
الديانة " في البطاقة الشخصية ، وهو ما كانت تتحاشاه منذُ أن نضجت
للحياة

قررت العودة الي المنزل وحدها وعدم اكمال محاضرة اليوم وبينما هي
في المواصلَة جلست بجانبها فتاة بدا من مظهرها أنها تصغرها عمرًا وما
أن جلست حتي أخرجت مصحفها من الحقيبة وبدأت في القراءة..

نُهي : يا جميلة ، ممكن أطلب طلب..

- أكيد

نُهي : إنتِ عارفة سورة " الأحزاب "

- أيوه الحمد لله

نُهي : هي فيها آية بتتكلم عن فرضية الحجاب ؟

- طبعًا ، تحبي أوريهالك

نُهي : ياريت ، معلش هتعبك

- لا مفيش تعب ولا حاجة

ثواني .. أهى..

(يَا أَيُّهَا النَّبِيُّ قُلْ لَأَزُوجِكُمْ وَبَنَاتِكُمْ وَنِسَاءَ الْمُؤْمِنِينَ يُدْنِينَ عَلَيْهِنَّ مِنْ جَلَابِيبِهِنَّ ذَلِكَ أَدْنَىٰ أَنْ يُعْرَفْنَ فَلَا يُؤْذِينَ وَكَانَ اللَّهُ غَفُورًا رَحِيمًا)

الأحزاب/59

وعلي فكرة مش دي الآية الوحيدة اللي بتتكلم عن الحجاب في القرآن

نُهى : بجد !

- أيوه ، دول باقي الآيات ..

(وَقُلْ لِلْمُؤْمِنَاتِ يَغْضُضْنَ مِنْ أَبْصَارِهِنَّ وَيَحْفَظْنَ فُرُوجَهُنَّ وَلَا يُبْدِينَ زِينَتَهُنَّ إِلَّا مَا ظَهَرَ مِنْهَا وَلَا يَضْرِبْنَ بِخُمُرِهِنَّ عَلَىٰ جُيُوبِهِنَّ وَلَا يُبْدِينَ زِينَتَهُنَّ إِلَّا لِبُعُولَتِهِنَّ أَوْ آبَائِهِنَّ أَوْ أَبْنَائِهِنَّ أَوْ بُعُولَتِهِنَّ أَوْ إِخْوَانِهِنَّ أَوْ بَنِي إِخْوَانِهِنَّ أَوْ نِسَائِهِنَّ أَوْ مَا مَلَكَتْ أَيْمَانُهُنَّ أَوْ التَّابِعِينَ غَيْرِ أُولِي الْإِرْبَةِ مِنَ الرِّجَالِ أَوِ الطِّفْلِ الَّذِينَ لَمْ يَظْهَرُوا عَلَىٰ عَوْرَاتِ النِّسَاءِ وَلَا يَضْرِبْنَ بِأَرْجُلِهِنَّ لِيُعْلَمَ مَا يُخْفِينَ مِنْ زِينَتِهِنَّ وَتُوبُوا إِلَى اللَّهِ جَمِيعًا أَيُّهَا الْمُؤْمِنُونَ لَعَلَّكُمْ تُفْلِحُونَ) النور/31

(وَالْقَوَاعِدُ مِنَ النِّسَاءِ اللَّاتِي لَا يَرْجُونَ نِكَاحًا فَلَيْسَ عَلَيْهِنَّ جُنَاحٌ أَنْ يَضَعْنَ ثِيَابَهُنَّ غَيْرَ مُتَبَرِّجَاتٍ بِزِينَةٍ وَأَنْ يَسْتَغْفِرْنَ خَيْرٌ لَهُنَّ وَاللَّهُ سَمِيعٌ عَلِيمٌ) النور/60 .

نُهى : طب معلى هتعبك معايا ، تقدرى تفسريلي الآيات دي

- أكيد طبعًا ، عندك مثلًا في أول آي ...

"مريم يلا وصلنا ونازلين ... "

اعتذرت الفتاة لنهي بشدة عن اضطرارها للنزول وعدم إكمال الحديث ، شكرتها نهي بشدة مع شعورها بالخزي ، كانت متشوقة جدًا لمعرفة تفاسير تلك الآيات عليها تجد بينهن سببًا لفرضية الحجاب !

- وصلت نهي إلى المنزل ، دخلت غرفتها في صمت متحاشية نظرات والدتها من جديد ، جلست علي سريرها وبكت بشدة ، ربما فهمت نهي سبب ضيقها الآن ، بدأت تشعر أنها لم تكن صائبة في هذا القرار منذ البداية ، إلا أنها لا زالت علي إصرارها في البحث عن سبب ارتداء المسلمات للحجاب ..

معقولة ياربي ، قطعة قماش تعمل فيا كل ده :

في تلك اللحظة مرّت بخاطر نهي فكرة ، فتحت موقع التواصل وكتبت:

استطلاع رأي للجميع

واعتبروه إجباري يا جماعة

جاوبيني بأول إجابة تيجي علي بالكو

يا تري..... ؟

ليه الحجاب..

كتبت نهي هذا المنشور ، وذهبت لتعد كوبًا من القهوة استعدادًا لقراءة آراء الجميع ، عساها تجد بين ثنايا إجاباتهم ما يريح بالها ، كما أنها أحببت أن

تعرف ما آراء المجتمع عمومًا في فرضية الحجاب؟ وهل ياتري مر هذا السؤال علي خواطر الفتيات كما مر عليها..

.....

عادت لتجد الكثير والكثير من التعليقات ، اعتدت في جلستها وبدأت تقرأ بهدوء...

كتبت حبيبة :

عشان أنا غالية وحررة وعشان ربنا

وأضافت مريم :

الحجاب عشان نستتر نفسنا مش أى حد يشوفنا غير اللي يحللنا وعشان هو أصلاً بيخليكى عفيفة وكمان عشان احنا بنسمع كلام ربنا ، الحجاب أصلاً مهم

مريم وائل :

علشان شكلي بيه أجمل عند الله مقدرش أصلي من غيره ف أكيد مش هقدر أمشي من غيره

فاطمة يوسف :

علشان الحجاب من الدين و فرض و كمان حياء يعني الواحد ميتخيلش نفسه يمشي بشعره

ياسمين سمير :

سترة عفة وعشان حفظ بجد من حاجات كثير أنا فهمت الفرق لما اتحجبت
لأنى اتحجبت من 3 سنين بس
و فرق رهيب بجد ..

لمياء :

لأنى مقتنعة بيه ، وحابة شكلي فيه

مريم طه :

عشان من اسمه بيحجب ويحمي البنوتة عشان هي حاجة غالية ويحافظ
عليها مش أي حد يشوفها هي ملك شخص واحد بس ٨٨

سلمى رجب :

ستر وعفة وحفاظ ع المسلمة وبعيداً عن كل ده فرض

رضوى عبد الله :

ستر وحفظ ، جمال شعرك خاص بيك

فاطمة الزهراء :

عشان أنا مش بقدر أنزل بشعري ، بحس إنى غالية ولازم أكون متدارية

منة فكري :

عشان أبقى جوهره عافة نفسي محدش يشوفها ولا يتمعن فيها غير نصيبها خاصة إن في ناس كتير شكلها من غير الحجاب أحلي

دُرَيْم محمد :

هو معنويًا وماديًا

معنويًا لأن الحجاب بيخلى الروح ترتقي في السما ومتساليينيش إزاي بس ده إحساسى وأنا لابساه ..

ماديًا علشان أحافظ على نفسي ومش أي حد يشوفني

آلاء سعيد :

عشان ده أمر ربنا عز وجل واللى بيحب حد بيطيغه عشان عارف إنه هو عاوز الخير ليه وكمان الحجاب لما بسمع الكلمة دى ببيجي فى دماغي على طول كلمة عفة والحجاب فعلاً عفة يمكن مش صح كل البنات شكلها أحلى بالحجاب والمفروض مش نقولهم كده المفروض نقول البسي الحجاب عشان إنتى جوهره وده هيحفظك وعشان ده أمر من ربنا ولازم نطيغه ده غير إنه راحة نفسية

مريم مصطفى :

لأنه أمر ربنا ، وعشان الستر ، وعشان الحجاب بينور الوش

أميرة سعيد : عشان أصون نفسي وأحميها

أسماء : بصي

كفاية إنه بيحفظك من عيون الناس ..

كفاية إن محدش يقدر يبصلك بصة وحشة و إنتِ لابسة حجابك الشرعي ..

اللي هو فرض أصلاً ربنا قال " وليضربن بخرهن علي جيوبهن ولا
بيدين زينتهن إلا لبعولتهن "

شوفي الفروق الكبيرة بين اللي لابسة حجابها وغالية ف عيون الجميع
بتمشي محدش يقدر يكلمها نص كلمة وبين اللي مش لابسها ، ومتاح إن
أي حد ينظر لها

الحجاب ليه فوايد كثيرة جداً جداً

....

روان أشرف :

عشان محدش يبصلنا ويعاكسنا ، لأننا شكلنا أحلي بكثير من غير الطرحة
، ربنا فرض الحجاب محافظةً علينا

وهناك آراء اقتصرت علي وصف الحجاب بكلمتين أو ثلاث ، جمع فيهما
كل المعاني

فكتبت مريم هشام وإسراء ، آلاء ، هاجر ، نسمة ، هانم ، أمينة ، فاطمة
ودينا :

ستر ، عفة ، حياء ، فرض واحتشام ،

وزادت عليهم فاطمة حمدي وسارة : لأمن الفتنة ، وصيانة للمرأة

أثرت تلك في نهي كثيرًا ، كل هذه ميزات للحجاب أمامها أعمى الشيطان
أعينها عنها ، كل هؤلاء الفتيات أحبين الستر وقبل ذلك الامتثال لأوامر الله

نُهي : ياه أنا إزاي مخدمتش بالي من كل ده ؟!
- ولكن من بين كل تلك التعليقات ، تألقت ثلاث آراء في نظر نُهي كثيرًا

كتبت نُقي عز الدين :

هو أولًا من الناحية الدينية فرض عين على كل مسلمة من خلال آيات كثيرة بينت حكم الحجاب وهيئته ..

من الناحية العلمية إن الحجاب ده ممكن يكون جاي من الحجب والعفة يعني بيقلل من الغرائز الشهوانية اللي ممكن يبص الرجل بيها للمرأة استحقاق لآية غض البصر

وثانيًا إن الحجاب نزل في الشرائع الثلاثة والقصد بيه التجلي والعبادة أمام الله بأدب وعفة وحشمة لأن مش معقول نقيم شعائر صلاة وتعبد لله واحنا بزينة أو بطريقة تثير الالتفات والانتباه

وقفت نهى عند هذا التعليق كثيرًا ، ليس من العدل أن يفرض الله على الرجال غض البصر، دون عونٍ لهم علي ذلك ، وإنما ساوى الله بين الجميع أمر الرجال بغض البصر وأمر النساء بالابتعاد عن ارتداء كل ما يلفتُ النَّظَرَ ..! سبحانه يدبر الأمر ..

إلا أن الشيطان لم يستسلم هكذا بسهولة ، بل أصرَّ علي المعافرة معها إلى النهاية

نُهي : بس ثواني برده !! يعني الرجال مبيظروش لينا غير النظرة دي بس ، واحنا نتعب نفسنا ونلبس حجاب عشان بس عوننا لهم ..

ثم أكملت نهى قراءة التعليق الثاني

يمكن سؤال ليه الحجاب ده صعب يتجاوب عليه أو يمكن المفروض أصلاً
يتقال ليه مش الحجاب ؟

وكتب أحد الشباب تعليقاً على " الحجاب فرض ليه ؟ "
أول ما جاء في بالي هو شركة سامسونج
لما بينزلوا موبايل جديد ... بينزلوا معاه الكاتلوج بتاعه
مش هينفع أروح أقوللهم يا سامسونج الكاتلوج بتاعكم ده مايلز منيش ، أنا
هعمل لنفسي كاتلوج وأمشي عليه ..
النتيجة = خراب الموبايل بعد يومين بالكثير
ولله المثل الأعلى فإن كل أوامره لنا لا علينا
يقول الإمام السعدي في تفسير سورة هود الآية الأولى :
" أَلر كتاب أحكمت آياته ثم فصلت من لدن حكيم خبير "
" من لدن حكيم " : يضع الأشياء مواضعها ، وينزلها منازلها ، لا يأمر
ولا ينهاي إلا بما تقتضيه حكمته ..
فإذا كان إحكامه وتفصيله من عند الله الحكيم الخبير ، فلا تسأل بعد هذا
عن عظمته وجلالته واشتماله على كمال الحكمة ، وسعة الرحمة .
أما " الحجاب ليه ؟ " فهو حصن منيع .. يدرء الفتن ويحفظ للمرء زوجه
بلا خيانة للأبصار ، يضع المرأة مكانة الملوك وينزلها محل التقدير
والتبجيل ، فلا تنزل منزلاً ولا تستقر مستقرًا إلا عظمت وعظم وجودها ،
ينظر الرجل في حضورها تحت قدميه احترامًا وتقديرًا ، يخدمها الرجال
في الأسواق بلا تعد ولا فتنة .

الحجاب عظمة للمرأة من عند الله ، وإن ظنت عكس ذلك فخلعته سلط الله عليها من يثبت لها أن ما فعلته ما هو إلا إذلال لروحها وإظهار لرائحتها أمام تلك الذئاب الجائعة المفتونة ..

والمحجبة لم تأذ ولم تؤذ ويحفظها الله بحفظه ما دامت تبتغي وجهه - سبحانه - في كامل حجابها .

الخلاصة : فرض الحجاب لينزل النساء منزلة الملكات وجعل التبرج لينزلهن منزلة الإماء

وأضاف آخر :

بدون خوض في مسائل فقهية لأنني لست أهلاً لها ، لكن الحجاب أجمل..

قالت نُهى :

ياه ، يعني دي نظرة الشباب لينا بالحجاب !!!

- أعادت هذه الآراء إلى نُهى رشدها من جديد لكن ليس بالقدر الكافي لارتداء الحجاب من جديد ، كانت تشعر أن حلقة ما مفقودة في هذا الأمر

...

نُهى : ردي يا سلوى بقى ..

....

سلوى : أهلاً بالندلة اللي روّحت من غيري

نُهى : وعليكم السلام يا سلوى

سلوى : مشيتي ليه ؟

نهى : حصل موقف كدة وحاجات كتير هحكياك كله بكرة إن شاء الله بس
ركزي في المهم

سلوى : إيه ؟

نُهى : تعالي بكرة معايا المسجد

سلوى : مسجد إيه ؟

نُهى : مسجد الجامعة

سلوى : نهى ... إنتِ صاحبة ولا نايمة ، ما احنا كل يوم بندخل المسجد
نصلّي

نُهى لا المرة دي هندخل عشان حاجة تانية

سلوى : وإيه هي بقى الحاجة دي ؟

نُهى : هتعرفي بكرة

سلوى : ربنا يستر

.....

وفي الجامعة :

سلوى : ياه ، السكشن المرة دي كان ممل أوي

نُهى: يلا بسرعة المسجد زمانهم لسه بيقيموا الظهر

سلوى : طيّب

- وبعد انتهاء الصلاة

نهى : شايفة مجموعة البنات اللي قاعدين هناك دول

سلوى : أيوه مالهم ...

نُهي : هروح أسألهم ليه الحجاب ؟

سلوى : بمنظرك ده يا نُهي ، ما إنتِ عارفة الجامعة كلها بتقول عليهم متشددين أوي ، ممكن أصلاً يتجاهلوكِ .

نُهي : مش هيعملوا كدة ، الدين عمره ما قال إنك تحتقر غيرك حتي لو كان أقل منك في الطاعة ، ولا إنك تنهر حد جاي يسأل عن دينه ، مهما كان إيه ، ويا سلوى لو عملوا كدة يبقى هما أصلاً مش ملتزمين ولا حاجة ومظهر ع الفاضي ..

سلوى : طيب ، بس أنا مش هكلم خالص أنا هسمعكم بس

نُهي : ماشي

- تقدمت نُهي وسلوى نحو الفتيات ، يراودهن خوفٌ شديد من ردة فعلهم ، لكن حماس نُهي هذه المرّة كان يفوق خوفها بكثير

نُهي : السلام عليكم

- و عليكم السلام

نُهي : أنا نُهي وهي سلوى ، رابعة هندسة

- رحبت الفتيات بهم وبدأت كل واحدة منهن بتعريف نفسها ، وهو ما طمأن نُهي وسلوى كثيرًا ، وأزال خوفهن من ردة فعل الفتيات .

نُهي : أنا كنت عايزة أسالكم سؤال ،

ممكن أعرف هو ليه الحجاب ، أنتم ليه لابسين الحجاب ، أو ليه ربنا فرضه علينا ؟

ابتسمت إحدى الفتيات وقالت :

سؤالك جميل جدًا يا نُهى ، ياريت لو كل بنات جيلنا يسألوا أنفسهم السؤال ده ويدوروا على إجابته ؟

واتبعت الأخرى :

بما إننا مش أهل علم ولسه مجرد طالبات وزينا زيك بالظبط فاحنا هنجابك بأقوال أهل العلم ، يعني زي ما تقولي كدة هما اللي هيجابوا ع سؤالك ده .

نُهى : جميل

- بس قبل ما نجابك في نقطة أساسية لازم تبقي عارفاها

نُهى : إيه هي ؟

- قبل ما نقولك الحكمة من ارتدائنا للحجاب وسبب فرضيته ، لازم تعرفي إننا جميعًا مطلوب مننا الامتثال لأوامر الله ، ونكون مقتنعين تمامًا إن ده الخير لنا ، وبدون ما نجادل فيه .. وخصوصًا إذا كان حكم هذا الأمر " فرض أو واجب" ، وده ميتعارضش أبدًا مع إننا ندور على حكمة أمره ، يمكن يزيدنا إيمانًا وحبًا في الامتثال لأوامر الله ، وفي نفس الوقت منخلىش بحثنا عن السبب يتخلله شك أو بطء في الاستجابة لأوامره ،

واسمعي الحديث ده كتأييد على كلامي :

عن أم سلمة رضي الله عنها قالت : لما نزلت هذه الآية " يدينن عليهن من جلايبهنّ " .خرج نساء الأنصار كأن على رؤوسهن الغربان من السكينة وعليهنّ أكسية سود يلبسناها "

شفتي سرعة امتثال نساء الأنصار لأمر الله وقتها ، لم يتذمرن ولم يجادلن ، و نفذوا أمر الله علي طول ، لكن زي ما قلت ده مينمعش برده إن بعد الامتثال ، ندور ع الحكمة والأسباب

نُهى : تمام

-إنتِ عارفة الأدلة م القرآن على فرضية الحجاب ؟
نُهي: آه عارفها

-وبدأت نهى بتلاوة الآيات التي أخبرتها إياها مريم في المواصلة
- جميل جداً

- بصي يا ستي ، تعرفي الشيخ الشعراوي ؟

نهى : وهو في حد ميعرفهوش

- تحبي تعرفي تفسير لحكمة فرض ربنا الحجاب على المسلمات
نهى : أكيد طبعًا

يقول الشيخ الشعراوي عن سبب فرضية الحجاب :

وإما الحجاب وعض البصر فما هو ألا تكريم من الله للمرأة والرجل
وتأمين لهم

فعمر المرأة في الجمال محدود والمرأة دائماً لمهامها تشيخ قبل الرجل

فمثلاً رجل متزوج من امرأة وعاش معها فترة من الزمن إلا أن ذبل
جمالها فقد اجهدا نظام الحمل والإرضاع والعمل بطول السنين وانتهت
نضارتها مع كبرها في السن فأصبحت غير مغرية ولا جذابة ، لو أن
زوجها لا يري إلا هي تظل في نظره لا تتغير أبداً يوماً بعد يوم

لماذا ؟

لو إنك مثلاً زرعت زرة وظللت تراقبها منذ أن زرعتها ، لن يبدو لك
أبداً أنها تكبر !! أما لو تركتها لعدة أيام لا تراقبها أو راقبت زرعاً حديثاً
غرزه للاحظت أن زرعتك كبرت

وكذلك الرجل الذي دخل على امرأته في لباس عرسها وشبابها إذا لم ير غير امرأته تلك ظن أنها لم تتغير وأن كل النساء هكذا
أما أنه إذا خرج إلى الشارع ، فوجد فتيات في بداية شبابهن وقد اعتراهن التبرج والسفور ، بدأ بدور المقارنة ما بين التي رآها وبين امرأته ومن الطبيعي أنه سيجد فرقاً ، هذه فتاة لا زالت في بداية شبابها وامرأته قد ظهر عليها العجز ، وذهب جمالها ، ومن هنا يأتي فساد البيوت كلها ويبدأ الرجل بالغضب على زوجته ويرأها غير مغرية بالنسبة له ، ويبدأ في اختراع أسباب ومشاكل ، أنها غير مطيعة وغير مدبرة ، ومع أن هذا كله قد لا يكون فيها

فالله سبحانه وتعالى حينما منع المرأة من التبرج والسفور في أيام شبابها وجمالها فإنه في المقابل أراد أن يحميها حين يزول عنها هذا الجمال ، فتصبح في عين زوجها كما هي منذ رآها أول مرّة

نُهي : جميل جداً ، سبحان الله عز وجلّ ، بس معلى إيه ردك على الناس اللي شايفين الحجاب تخلف ورجعية !! ويعوقنا عن التعليم والعمل
ابتسمت الفتاة وقالت :

- جيالك في الطريق

يقول الشيخ أيضاً :

وأما الدين يتحججون بأن الحجاب أمر خال من الحضارة ، ويمنع المرأة من التعليم والتقدم نقول له ؟

فما العلاقة بين التعليم وبين إظهار المفاتن ؟

هل إذا ذهبت الفتاة إلى المدرسة مثلاً بفستان ضيق أو لباس قصير سيزيد تعليمها عن تلك التي ذهبت بحجابها الشرعي !!

فأنتم أخذتم ضرورة وأدخلتم فيها غير ضرورات وكان الهدف كله هو تدمير وتفكك البيت المسلم

نُهي : صدق ، رحمه الله

- آمين

واتبعت : ويقول الشيخ العريفي أيضاً في فرضية الحجاب

شرّع الحجاب تكريماً وصيانة وإعلاء للمرأة ، وحفظها عن النظرات
المريبة ، فالمرأة لم تخلق لتكون محط نظرات الجميع وإنما ذلك يخص
محارمها فقط

ويقول :

أول ما وسوس الشيطان به لآدم عليه السلام في بداية الخلق كان أن يأكل
من شجرة الخلد التي أمر الله تعالى آدم عليه السلام وحواء ألا يأكلا منها
وكان عقاب الله لهم علي ذلك أن " انكشفت عوراتهم " وذهبت سترتهم
واسمعي في ذلك الآية " فأكلا منها فبدت لهما سوءاتهما وطفقا يخصفان
عليهما من ورق الجنة "

ويقول الله في سورة الاعراف

" يا بني آدم لا يفتننكم الشيطان كما أخرج أبويكم من الجنة ينزع عنهما
لباسهما ليريهما سوءاتهما "

وهذا إخبار واضح في الآيات أن تلك الأفكار من عدم أهمية الحجاب ،
وعدم ستر العورات ، إنما هي وسوسة من الشيطان وفتنة

وأضاف العريفي :

الحجاب لم يكن خاصة بالإسلام فقط وإنما كان موجوداً في جميع الشرائع
قبلاً

ففي الديانة اليهودية هناك نصوص في التوراة تدل علي فرضية الحجاب

وأما في الديانة المسيحية فنحن نري الراهبات عندهم دائماً ملتزمات
بالحجاب

وهناك أيضاً في الانجيل نصوص تدل علي فرضية الحجاب

ففي الإصحاح الرابع والعشرين

عن رفقة أنها رفعت عينيها فرأت إسحاق فنزلت عن الجمل ووضعت
برقعاً على وجهها وتغطت

فالحجاب شرع في جميع الديانات السابقة

وقالت أيضاً إحدى الأجنيبات المسلمات التي لا أذكر اسمها للأسف

- يسألونني دائماً هنا عن هذا الشيء الذي على رأسي ولماذا أرتديه
والمؤسف أننا عندما نسأل المسلمات العرب فمن بين تسعة وتسعين مسلمة
قد تكون هناك واحدة تعرف الإجابة

فالجواب يا سيداتي مذكور في القرآن نفسه

الحجاب هو إبراز لهويّتي ولإسلامي " ذلك أدني إن يعرفن.. "

الحجاب يا سادة يعني أن المرأة التي تقف أمامك هي امرأة ذات قوّة هائلة
وعليك أن تعرف حدودك معها جيداً فهي ليست لعبة لك أبداً وإنما تعرف
جيداً معني القيم والأخلاق

الحجاب يخبرك بأن من أمامك هي أفضل امرأة فهي أمينة صادقة ، لا
تغش لا تسرق لا تكذب ، تتمتع بإخلاص في عملها ، وهي أفضل صديقة
وأفضل زوجة أيضاً كل هذا يخبره لك حجابي يخبرك عن هويتي
الإسلاميّة !!!

نهى : الحمد لله ، الحجاب مطلعش مجرد فرض ده طلع نعمة من ربنا
علينا !!

- بالظبط كدة

سلوى : أنا كنت لابسة الحجاب في الأول لمجرد إنه فرض وعشان أهلي
أمروني بيه بس دلوقتي أنا مش لابسة الحجاب وبس !! أنا بفخر بيه

- شكرت نهى وسلوى الفتيات كثيرًا وهما بالانصراف إلا أن إحداهما
استوقفتها قائلة

- استنوا بس انتم مستعجلين ليه؟! أهم جزء ناقص

نهى : إيه هو؟

- الحجاب اللي كنا بنتكلم عليه كل ده .. مش هو الحجاب المنتشر دلوقتي
، ومينطبقش عليه الحكمة اللي ذكرناها

سلوى : ممكن توضحي أكثر؟

- الحجاب مش مجرد إنك تغطي شعرك وبس الحجاب ليه شروط .

الحجاب يعني مفاتنك متبانس ..

هبسطهالك

إنتي لما تلبسي بنطلون ضيق وبلوزة وطرحة يدوبك معدية رقبتك .. بالله
عليك شكلك برده بيبقى ملفت جدًا للي رايح واللي جاي ولا لا ، وجسمك
كله يعتبر بيبقى باين صح

أجابت نهى وسلوى في حياء

صح ..

- إنما الحجاب اللي بنتكلم عليه فوق هو اللي بتتوافر فيه شروطه إنه يكون
لا يصف ولا يشف واللي أمر بيه ربنا في الآية " وليضربن بخمرهن على
جيوبهن "

نهى : بس مش كدة هيبقى شكلنا مبهدل أوي؟! وهنبقى صورة سيئة
للحجاب

- ده بقى كلام الشيطان ، بالله عليكى إنتي مثلاً لو لابسة عباية مضبوطة عليكى مش ضيقة ومش وصفاكى وطولها مناسب وطرحه طويلة وإنتي ظابطة لفتها ، ومكوية وهدومك نضيفة وألوانك مش ملفتة وفي نفس الوقت متناسقة مع بعض إيه اللي هيكون مبهدل فيكي ،
نهى : بصراحة مفيش

- إنت عارفة إن البنات اصلاً بتبقى أحلى في الفساتين الواسعة أحسن من البناطيل ، الفساتين والجيبات اللي مش ماسكة ع الجسم والهدوم اللي مش وصفاكى صدقيني بتبين أكثر إنك آنسة
سلوى : يعني معنى كدة إن البنات اللي لابسين الحجاب ع الهدوم الضيقة والقصيرة مفروض يخلعوه

- طب ما بدل ميخلعوه ، يحسنوا من لبسهم شوية شوية لحد ما يوصلوا للحجاب الصح ، وطبعاً مينفعش نقول لحد يقلع الحجاب أيًا كان لبسه ، ننصحه وندعيه بالهداية أفضل
نهي : احنا مش عارفين نشكرك إزاي

- الشكر لله

.....

عادت نهي إلي المنزل ، صلّت المغرب وشعرت بالسعادة تغمرها من جديد ، أخيراً وجدت ضالتها وإجابات تقنعها رغماً عن نفسها الأمارة بالسوء بلطف الله في أحكامه حتى فيما فرض منها

....

استيقظت نهي في اليوم التالي مبكرًا ، ارتدت أوسع بنطال لديها وبحثت عن قميص واسع كبديل حتى تشتري ملابس مناسبة لحجابها الجديد ،

أخذت حجابًا لا بأس بطوله من دولاب والدتها ، وبدأت تحتار من جديد كيف ستلف الحجاب هذا اليوم كي تبدو متألقة ولكن غير ملفتة ، ولكنها هذه المرة كانت سعيدة بحيرتها جدًا ..

انتهت نهى واستعدت للنزول ثم ذهبت لوالدتها قائلة

- ماما عايزة مني حاجة ؟

- ما إن التفتت والدتها لها حتى دمعت عيناها سرورًا هذه المرّة وقالت :

شكلك جميل أوي انهاردة علي غير العادة يا باشمهندسة...

....

- تَمَّت -

نسيت نُهي الفكرة من جديد لكن هذه المرّة
ليس الى وقتٍ طويل ،
ما ان ودّعت سلوى في منتصف الطريق
حتى طرق السؤال ابواب ذهنها ثانية..
لماذا الحجاب ، لماذا فرض ياتري ،
اي عقل ان يكون فيه ظلم لنا ،
ما الفائدة من وضع قطعة قماش
لا تضر ولا تنفع على شعري؟!!

[درة جمال]

دار البوكر
للنشر الإلكتروني

دار البوكر للنشر الإلكتروني